

Nýir notendur og þeir, sem óska eftir að fá fram breytingar á vatnsmagni sínu, eftir að lagningu upphaflegs dreifikerfis er lokið, skulu og senda umsóknir þar um til framkvæmdastjóra.

Stjórnarnefnd getur tekið sér frest, allt að einu ári, til að verða við beiðni, ef hún hefur í för með sér verulegar breytingar á dreifikerfi veitunnar.

8. gr.

Dælur.

Óheimilt er að tengja dælur við heimæðar. Við innanhússkerfi þarf leyfi framkvæmdastjóra hitaveitunnar til notkunar á dælum.

9. gr.

Takmörkun hitanotkunar.

Hitaveitan getur fyrirskipað takmörkun á hitanotkun, ef hún telur það nauðsynlegt, eða lokað fyrir hita vegna viðgerða. Full hitagjöld ber að greiða, þótt notandi hafi orðið fyrir lokun af slíku.

10. gr.

Viðurlög.

Brot á reglugerð þessari varða sektum, allt að 30000.00 krónum, nema þyngri refsing liggja við samkvæmt öðrum lögum. Mál út af slíkum brotum skal farið með að hætti opinberra mála.

Reglugerð þessi, sem er samin og samþykkt af stjórnarnefnd Laugarásslæknishéraðs, staðfestist hér með samkvæmt lögum nr. 3 31. janúar 1953, um hitaveitur utan Reykjavíkur, til þess að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 10. september 1964.

F. h. r.

Hjálmar Vilhjálmsson.

Hallgrímur Dalberg.

S A M Þ Y K K T

fyrir Vatnsveitufélag Laugarásshverfis í Biskupstungum, Árnassýslu.

1. gr.

Félagið heitir Vatnsveitufélag Laugarásshverfis. Heimili þess og varnarþing er Biskupstungnahreppur í Árnassýslu.

2. gr.

Tilgangur félagsins er að sjá hverfinu fyrir neyzluvatni.

3. gr.

Stofnendur félagsins eru sláturhús Sláturfélags Suðurlands, héraðslæknisbústaður, héraðsdýralæknisbústaður, sumardvalarheimili Rauða kross Íslands og ábú-

endur eftirtalinna býla: Sólveigarstaðir, Laugargerði, Hveratún, Ásholt, hús og garðyrkjustöðvar Ólafs læknis Einarssonar og Einars Ólafssonar, svo og garðyrkjustöð Harðar Sigðurðssonar. Auk þess Biskupstungnahreppur vegna 10 óbyggðra leigulóða.

Stofngjald greiði sláturhúsið, kr. áttatíu þúsund, læknisbústaðirnar og sumar-dvalarheimili R.K., kr. fimmtán þúsund hver, aðrir stofnendur þrjú þúsund krónur hver og Biskupstungnahreppur þrjú þúsund krónur vegna hversrar leigulóðar. Stofngjald skal greiða að hálfu um leið og verkið er hafið og að hálfu, þegar verki er lokið.

4. gr.

Vatnsveitan byggir dælustöð og vatnsgeymi og lætur leggja stofnæð að fyrstu greiningu.

Biskupstungnahreppur leggur aðalæð allt að Auðsholtsvegi, en notendur kosta heimæð hver til sín.

5. gr.

Hver aðili á rétt á vatni til húsþarfa og atvinnureksturs. Félagsskylda er því skilyrði háð, að húseiganda sé látin í té afnot af vatni því, er félagið hefur til afnota.

6. gr.

Skylt er að taka nýja ábúendur í félagið, sé nægilegt vatnsmagn fyrir hendi.

Nýr félagsmaður greiði sama stofngjald og eldri félagsmenn, og öll gjöld, sem á félaginu hvíla til jafns við aðra félagsmenn, frá því hann gekk í félagið. Sjálfur skal hann kosta allar framkvæmdir, sem gera verður sérstaklega vegna hans til þess að hann geti notað mannvirki félagsins.

7. gr.

Vatnsskatt skal innheimta árlega af hverjum aðila í félaginu, og skal hann ákveðinn þannig:

1. Til greiðslu vaxta og afborgana stofnkostnaðar í hlutfalli við stofngjöld.
2. Til greiðslu á reksturskostnaði og viðhaldi veitunnar eftir vatnsnotkun.
3. Fast lágmarksgjald hvers notanda, sem hefur tengda heimæð. Vatnsskatt má taka lögtaki ásamt áföllnum innheimtukostnaði, ef ekki er staðið í skilum með greiðslu hans til félagsins.

Eignir félagsins standa til fullnægingar skuldbindingum þess. Enginn félagsmaður ber ábyrgð á skuldbindingum félagsins umfram gjöld þau, sem honum er gert að greiða til félagsins samkvæmt ákvæðum þessarar samþykktar.

8. gr.

Stjórn félagsins skipa 3 menn, formaður, ritari og gjaldkeri, kosnir á aðalfundi til eins árs í senn, og einn til vara. Stjórnin skiptir sjálf með sér verkum. Enn fremur skulu kosnir tveir endurskoðendur til eins árs.

9. gr.

Aðalfundur félagsins skal haldinn eigi síðar en 1. apríl ár hvert. Til hans skal boðað bréflega eða persónulega með viku fyrirvara. Aðalfundur er lögmætur ef $\frac{2}{3}$ félagsmanna mæta. Hafi aðalfundur fallið niður vegna ónógrar fundarsóknar, telst næsti löglega boðaður aðalfundur lögmætur, án tillits til fundarsóknar.

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess, og kosin stjórn og endurskoðendur.

10. gr.

Félagsfundur er lögmætur ef helmingur félagsmanna sækir hann, enda hafi verið boðað til hans á sama hátt og til aðalfundar. Á félagsfundum hafa allir félagsmenn jafnan rétt og ræður afl atkvæða úrslitum.

11. gr.

Formaður félagsins kveður stjórnina saman til fundar og boðar félagsfundi og aðalfundi. Stjórnarfundur er því aðeins lögmætur, að allir stjórnarmenn séu mættir. Færa skal gerðabók og skal fundarritari lesa upp fundargerð í lok hvers fundar, og undirrita hana ásamt formanni.

12. gr.

Stjórn félagsins hefur umsjón með vatnsveitunni, annast reikningshald hennar og innheimtu á gjöld til félagsins. Hún sér um viðhald og viðgerðir á vatnsbóli og aðalleiðslu.

Viðhald heimlagna og umbúnað í húsum annast félagsmenn hver hjá sér undir eftirliti félagsstjórnar.

13. gr.

Samþykkt þessari má ekki breyta nema á aðalfundi, enda hafi breytinganna verið getið í fundarboði og séu að minnsta kosti $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af vatnsveitufélagi Laugarásshverfis í Biskupstungum, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 10. september 1964.

F. h. r.

Hjálmar Vilhjálmsson.

Hallgrímur Dalberg.

AUGLÝSING**um umferð í Ólafsfjarðarkaupstað.**

Bæjarstjórn hefur fallizt á tillögur þessar, sem settar eru samkvæmt heimild í 65. gr. umferðarlaga nr. 26/1958.

1. Aðalgata og Ólafsvegur skulu hafa aðalbrautarrétt, og hefur Aðalgata aðalbrautarréttinn gagnvart Ólafsvegi.
2. Einstefnuakstur er ákveðinn á Brekkugötu til suðurs.
3. Bifreiðastöður eru bannaðar á Hornbrekkuvegi að austanverðu.

Bæjarfógetinn í Ólafsfirði, 16. september 1964.

Pétur Gautur Kristjánsson,
settur.